

14-7-B-21 1


DONATI ANTO

NII AB ALTOMARI

DE VINACEORVM FACVLTATE, AC VSV.

AD EXCELLENTIEM FRANCISCVM
ANTONIVM VILLANVM INTIMVM

PHILIPPI REGIS CONSILIARIVM DI-
gnissimum, Iustitiam, atque Prudentiam
colentem.



DO NOT ATTEMPT TO

USE THIS BOOK FOR

ANY OTHER PURPOSE


AND THE LIBRARY WILL BE

REMOVED FROM THE

LIBRARY OF THE

LIBRARY OF THE

LIBRARY OF THE





DONATI ANTONII AB

ALTOMARI

DE VINACEORVM FACVLTATE, AC VSV.

AD EXCELLENTEM FRANCISCVM

ANTONIVM VILLANVM INTIMVM PHI-

LIPPI Regis Consiliarium Dignissimum,

Iustitiam atque Prudentiam colentem.



VM diebus non longè ab hinc elapsis in tuo iucundissimo agro simul cōuenissemus, excellens vir literis, & dignitate clarissime, cupiebam Siquidem simul, & tecum colloqui de re, quam pridie mihi commiseras, nec minus & vxorem tuam mulierem sanè lectissimam diu laborantē visere; postquā iam pridem vocatus ob vehementissimum cruris dolorem, quo eo tēpore cruciabar; quod magnopere desiderabā, perficere nequiuī. præter cætera, inter nos sermo incidit de vinaceorum facultate, ac vsu; cū ex eis me à tali dolore vindicatum tibi asseruissem; exoptabāsque à me intelligere num illustrissimo, & excellentissimo Don Perasanno Rhiberæ Alchalæ Duci huius regni Proregi genuum imbecillitate, ac dolore quandoque laboranti, simulatque tibiarum frigiditate, ac debilitate, nec non pedum ædematoso tumore, & interdū dolore affecto, eorum vsus conferret. Quamobrem visum est

extemporaria hac, incultaq; epistola tibi, cui in lūm
 debeo, de uinaceorum facultate, ac vſu, quicquid ſen-
 tiam, recensere. potiffimum cū & tu id, vt ex tuis
 percepi verbis, ſcire deſiderares, & perquam vtilis in
 non nullis, vt demonſtrabimus, affectibus ſit eorum
 vſus, neque vllus atē nos, qui ad manus noſtras perue-
 nit, de his verba fecerit. id vero non in me ſolo ex-
 perimento, ac aliorum nuda experientia, ſed ratione
 etiam, ac autoritatibus confirmare conabimur, illud
 primò animaduertentes, quòd per vinaceos nihil ali-
 ud ſubintelligere volumus, quàm ſolidas vuz reliqui-
 as, cū in torculari ſuccus ipſius omnis expreſſus fue-
 rit, autore Galeno ſecundo de alim. fac. quatuorſis qui-
 dam per vinaceas, ſeu vineaceas acinorum ſemina in-
 telligere vidētur. hos tamē vinaceos Galenus Græcè
 ſιμφυλλα citato loco appellat. ſimiliter & Dioſcorides
 lib. v. reliqui Græci, interdū τρυγα quandoq; βεντια
 nūcupāt. qui itidem vinaceorum dilutū τρυγα voci-
 tant. aliquādo autē & vini fecē ita appellant. ſιμφυλλα
 verò oliuarum partes ſolidas, cū ex eis oleum fuerit
 expreſſum. Quam obrem rationi conſentaneum eſt,
 vinaceos iuxta Galeni doctrinam conſtitutos eſſe ex-
 membranoſo acinorum tegumento, ſeminibus, ſeu nu-
 cleis, γιγαρτα Græci dicunt, & eorundē acinorū ra-
 dice, quæ ex palmite enaſcitur, vnde ipſi acini pendēt,
 quā Gal. βότρυχοι nominat citato loco, quidam, vt ip-
 ſe inquit, ſιμφυλλον; Plin. verò lib. xxiii. partes eas,
 in quibus acini fuere, ſarmenta vocat; poſtquā vuz-
 rum partes ſolidas, quæ multo expreſſo ſuperſunt, cum
 eodem Galeno vinaceos nūcupamus. ſed mox, dubi-
 tabis ſi acinorum ſubſtantia, qui ραγια Græcè dicuntur,
 ex Galeni monimētis compoſita eſt ex ipſorum velut

cap. 9.

cap. 3.

cap. eo-

dem. „

cap. 1 „

„

carne, & humore, qui per carnē dispersus est, ex quo fit vinum; præterea ex seminibus, atque ex membranoso tegumento, quod omnia hæc extrinsecus circum ambit, nunquid particula quædam multo etiam in torculari expresso tum ipsius velut carnis acinorum, tum etiam ipsius humoris per eandem dispersi remaneat. & sanè videtur per ea, quæ modo citauimus Gal. verba: quod utique non. Nam solidas vuarum reliquias, cum in torculari succus ipsius omnis fuerit expressus, vinaceos appellat. Atqui nos quod vtriusque subtilitatis quid piam relinquitur in vinaceis, etiam si torculari vix admodum expressæ fuerint, audacter asserimus. quinimo ipsius humoris nedum portiuncula quædam per carnem dispersa, verum etiam in membranoso tegumento, nucleis, ac sarmentis effunditur. Argumento est, quod coniectis in dolia vinaceis, vbi tantum aquæ superinfuderis, quoad omnia permeadeant, & pro vinaceorum copia aqua effundatur, non multo post in dolij fundo foranien aperiens dilutum effluit, idq; pro vino bibant, sapitq; vinum, saporem, colorem, odoremq; ipsius prius expressi vini præferens. qua ratione, & substantiam quoque participare consentaneum est. hoc dilutum Græci quâdoque *τρυγὰ* Aetici vero *δευτρίαν* vocitant, à nostratibus, inquit Gal. *συμφλιτῆς*, à latinis lora appellatur. poteritq; eadē aquosior, interdum etiam meracior fieri, vt ipse fatetur, pro maiori, vel minori quantitate aquæ superinfusæ. quanquā huiusmodi aquæ quantitatem Plinius metitur lib. xiiij tria; narrat loræ genera. & Columella lib. xij de re rustica, quomodo optima lora fiat, docuit. Marcus etiā varro lib. j. quomodo lora paretur insinuat, quâdo pro vino operarijs dari hyeme dicebat. & M. Cato

. 2. . 100

. 01. . 100

. 001

. 001

citato
loco.

cap. x.

cap. 40.

cap. 54.

cap. 25.

de recentibus vinaceis seruatis verba faciens dicebat;
 itidem, si uoles lauito paululum & lorea erit familiaris,
 quod bibat. Quod uero in loris ipsis portio quædam

cap. 10.

,,
,,
,,

mixta sit. idem Plin. codē lib. xiiii. his uerbis cōfirma-
 uit. Non possunt iurē dici uina, quæ Græci *δευσιπιδαι*
 appellant, Cato, & nos lorā, maceratis aqua uinaceis:
 sed tamen inter uina operaria nominantur, quinimo
 rursum aliam aquam parciorem tamen priori, uinaceis
 quidam affundentes, ut inquit idem Gal. aliud parant
 dilutum, ita ut id quoque in potu sit tolerabile, quod
 etiam loram nos appellamus: quamuis quidam Attici
 propriē non, ut prius, dilutum hoc *δευσιπιδαι* nominari
 uelint, nec minus & ipsum uini quandam commistio-
 nem habens, cum & uini antea etiam expressi quodam
 modo saporem, colorem, ac odorē habeat. id uero fieri
 haudquaquam posset nisi & substantia quæpiam ip-
 sius humoris, ex quo fit uinum, ipsis permixta esset.
 Accedit ad hæc, quod ni succus, seu humor quispiam,
 simulq; carnosæ substantiæ aliquid in vinaceis relinque-
 retur, sed solidæ dumtaxat partes super essent, non
 haberent vinacei ex quo, ueluti ex materia, parua quæ-
 dam animalia uolatilia quidē, & admodum cūlicibus
 similia generarent, exiguam quandam putredinem p-
 pessi, & deinceps eadē magis aucta uermiculos quosdā
 paruos instar eorum, qui in cerasiis, alijsq; fructibus
 humidioribus existentibus, ac putrescētibus, postquā
 humiditas in eis non adesset, ex qua talia produci ani-
 malia possent; aut saltem eadem satis nō esset ad eorū
 generationem. Attendendum insuper quod pro ma-
 iori, vel minori etiam uuarum prælo expressione ma-

citato
loco.

ior item, aut minor copia tam ipsius veluti carnosæ substantiæ, quàm humoris per eam dispersi, ex quo fit mustum, in vinaceis relinquitur; nunquam tamen vniuersæ hæ geminæ substantiæ prorsus à vinaceis, eisq; præsertim recentibus, secernuntur, ob eas, quas nuper retulimus, causas. Ad Galeni autoritatem, cum dixit, vinaceos appellare, solidas vix reliquias, cum in torculari succus ipsius omnis expressus fuerit, hoc modo satisfacias; eum intelligere voluisse omnem succum, qui exprimi potest per torcular; qui autem minimè etiam valdè prælo præssis vix secerni potest, cum eisdem vinaceis relinqui non negans, adeò ut secundum sensum; non autem secundum rei naturam videatur omnis succus fuisse expressus. Nam, ut dictum est, non modò per eam substantiam, quæ velut caro existit, portiuncula eius dispersa, sed in membranoso tegumento seminibus, ac sarmentis impacta in ipsa expressione permanet, de ea autem substantia, quæ ceu carnosæ existit, hæsitari non debet quin aliqua eius portio remaneat simul cum acinorum tegumento permista. Quòd si aliter Galeni verba interpretentur, nequaquam vindicari posset, quin sibi ipsi pugnaret; postquam citato loco asserit ex iam dictis vinaceis, si aqua pro eorum copia infundatur, ut quidam experientia docti infundunt, dilutum fieri suave, & interim dilutum hoc aquosius, quandoque verò meracius, seu vinosius. quod quidem procul dubio absque aliqua humoris, ex quo fit mustum, permissione, haud quaquam fieri posset: & nos etiam paulò antè probauimus. intelligere itaque per vinaceos oportet cum Galeno solidas vix reliquias, quæ prælo subiectæ, mustoq; expresso supersunt. Sunt

autem hæ maxime membranofum acini tegumentum, ipfiusq; nuclei, ac radices acinorum, quæ ex palmitate nascuntur, seu farmenta, nec non & exigua quædam portio eius substantiæ, quæ ceu caro exillit, atque humoris per eam difperfi, & reliquis etiam folidis fubftantijs per expreffionem imbibiti. harum autem duarum fubftantiarum portio maior, aut minor in vinaceis relinquitur, pro vt magis etiam, vel minus per torcular vix fuerint exprefæ. Et quoniam valde exigua, vt dictum eft, harum duarum fubftantiarum quantitas in vinaceis continebatur, aliarum trium folidarum relatione, propterea Galenus de eis haud quaquam meminit; fed folidas vuarum reliquias vinaceos appellauit. At quoniam magnum reperitur vinaceorum difcrimen, pro varia, ac diuerfa vuarum fpecie, ex quibus vinacei funt, ob id rurfus attendas oportet quot, quæue funt hæ vuarum differentiæ, quò diuerfas etiam vinaceorum naturas inueftigemus. verum non de omnibus vitium generibus verba facere oportet, ne nimis longa fumatur oratio; fed earum dum taxat differentias recēfebimus, quæ ex diuerfo vuarum fapore pullulant. ex etenim ad noſtrum inſtitutum non parum conducere videntur: tum vel maximè quòd Plinius libro xiiij. ſcripta reliquerit de vitium generibus hæc verba.

cap.xi „ omnia genera vitium numero comprehēdi poſſe vnus
 „ exiſtimauit Democritus, cūcta ſibi Græciæ cognita pro
 „ feſſus. cæteri innumera, ac infinita eſſe prodiderunt;
 „ ſunt tamen & quòd ad ſaporem attinet vuarum inſu-

cap.eo- per differentia non pauca; id quòd manifeſtauit Gal.
 dem. eodem libro 2. de alimentorum facultatibus, cū inquit. Non parua autem eſt inter vuas differentia, quòd alia ſint dulces, alia acida, alia auſteræ, alia denique quæ

quæ nullam habent uehementem qualitatem vocant
autem ipsas vinosas, qui licet in his verbis de acerbis
vuis non meminerit, paulò tamen post comparans in-
ter se austeras, & acidas, de eis verba facit; inquit:
austerarum autem quædam si suspensæ diutius fuerint,
dulciores redduntur, acerbæ verò, vt acidæ, etiam si
suspensæ fuerint diutius, mutationem in dulcius nun-
quam assequi poterunt. quò circa ipsarum esus perpe-
tuo est cauendus. quibus ex verbis liquet quinque in
vniuersum esse simplices vuarum differentias, quæ ab ea-
rundem saporibus capiuntur: dico simplices quoad fi-
ri liceat; neque enim reperiatur omnino sincerum sapo-
rem aliquem eodem Gal. autore quarto de simpliciũ
medicamentorum facultatibus. compositæ autẽ mul-
tò plures esse possunt ex uaria dictorum saporum cõmi-
stione. quas omnes vbi simplices quispiam rectè perce-
perit, facile assequi poterit. Cæterum quæ dulces sunt
vux succum habent calidiore, & ob id sitibundæ. acerbæ
verò, austere, & acidæ frigidiore, vinosæ autem in-
ter calidum, & frigidum mediũ locum obtinent. cuius
etiam naturę putandum esse, censeo, & dictarum vuarum
vinaceos. Nam veluti dulcium acinorum succus cali-
dior est reliquis vuarum succis, ita & reliquę eorum sub-
stantię proportionabiliter se habebunt relatione ad eas,
quæ aliorum saporum sunt, præsertim ob eiusdem suc-
ci substantiam, cuius participes esse videntur, & quem-
admodum frigidiorem habent succum vux acerbæ, au-
steræ, & acidæ, ita quoque & reliquas earum substan-
tias esse dixeris. & vinosarum velut succus, ita & reli-
quæ partes medium locum obtinebunt. inter acerbæ
autem, austeras, & acidas, seu succus acerbæ, ita &
reliquæ substantię frigidiore erunt, quàm austerarum,

cap. 5.

cap. vi.

cap. cita
to.

& acidarum; & austerarum succus rursus, ceteraq; substantiæ frigidiores quàm acidarum. hunc etenim ordinē seruant in frigiditate sapores ij, vt liquet 4. de simp. med. facult. verum non abre dubitabis, propter quid austerarum vuarum quædam, vbi diutius suspensæ fuerint, dulciores redduntur, acerbæ verò, & acidæ, etiā si diutius fuerint suspensæ, mutationem in dulcius nunquam assequi poterunt. An dicas tu quòd acerbæ multam habeant, terrenam, siccam, crassamq; substantiam quæ à calido etiam ascititio minimè potest adeò euinci, vt dulciores fiant? austeræ verò tenuiorem, humidiorēq; : ac minus etiam frigidæ sunt. & quamuis acidæ minus frigidæ sint, quàm austeræ, id tamen aquosum, & quod velut, semicoctum est in eis excrementum, multum est; adeò vt neque ab earum calore etiam ascititio confici possit, & in dulcius mutationem assequi, quamuis ipsæ minus frigidæ sint, quàm austeræ. Ad hæc non omnes austeræ, sed quædam, dulciores redduntur, inquit Galenus, vt pote illæ, quæ nō exquisitè tales sunt, sed quidpiam dulcedinis, licet nō manifestè, in se ipsis continēt. Acerbæ verò, & acidæ sinceræ, nunquā. Facta insuper collatione inter easdē quatuor acinorum partes eiusdem vux inter se fatemur membranosi tegumēti, ac seminis substantiam siccā, & frigidā esse, frigidiorē tamen, ac sicciorē seminis, quàm mēbranosi tegumēti; calidā autē esse fatemur eam, quæ ceu caro existit, ac humoris substantiam, qui per eam dispersus est: nec nō & humidā, minus tamen calidā, sed humidā magis esse humoris substantiā, quā carnis, argumēto est, quòd min⁹ nutriat, & pròptius subsideat. calidior itē quodāmodo, & mediocris humiditatis est ea substantia, quæ velut caro existit, eò quod copiosius quàm succus nutriat, nec

adeo citro delibetur. & propter ea vix quibus exiguus
 est succus, magis nutriunt, quibus vero vberior, mi-
 nus quidem nutriunt, sed promptius subsident. Quam
 obrem, ut inquit Gal. citato loco copiosius ex car-
 nea acinorum substantia, quam humida, alimentum cor-
 pori accedit. Cum itaque in vinaceis minima sit acino-
 rum tum caro, tum succus, quorum substantia, ut dictum
 est, calida, & humida existit, signum quod eis duntaxat
 deuoratis alvus, magis laxatur, ut idem Gal. inquit
 citato loco. Semina autem ferè omnia, reliqua sint,
 quorum substantia eodè autore sicca est, & quodammodo
 astringens, quo fit ut si transglutiantur, nihil quod sensu
 deprehendi queat à se se mutata omnia intestina per-
 nadant, in super et tegumenta omnia remanent, quæ cum
 vsu acinis prestat, quæ cutis animalibus, eandemq; ferè sic-
 cam substantiam habeant, quemadmodum, & semina,
 ut diximus, qua ratione & ipsa quoque exigua, cum
 deuorata fuerint, in ventriculo, mutationem suscipi-
 unt. nec minus & fermenta, in quibus acini fuere, om-
 nia post multam expressionem, supersunt, ipsa quoque
 frigida, & sicca, ac astringendi vim habentia, quem-
 admodum & acinorum nuclei ex Plinij autoritate ci-
 tato libro. xxi. i. cum dixit, sarmenta earum, in-
 quibus acini fuere, loquens de visis, astringendi vim
 habent, efficacior ex ollis nuclei acinorum eandem
 vim obtinent. reliquum propter ea est, ut vniuersa
 vinaceorum substantia frigida sit, & sicca, atque atrin-
 gendi vim habeat. qua ratione mammarum inflamma-
 tioni triu cum sale utiles sunt: decoctumque eorum
 veteres dysentericos, & coeliacos inuat, & potione, &
 ipsis, ut idem Plinius ibidè testatur, haud valde dissenties
 in Dioscoride, qui lib. v. de eis verba faciens ita inquit;

cap. 1.

,,
,,

iv. q. 3.

cap. 3.

Reconditi vinacei inflammatis mamis, ac duris, nimio-
 que lacte turgentibus, ita enim interpretanda sunt
 eius verba, cum dixit *ἐπιγυγίω μαζῶν*, illiniuntur. co-
 rum decoctum dysentericos, celiacos, & foeminas flu-
 xione vulvae laborantes iuvat infusum; ad defectiones;
 ac fetus assumitur. & demum de acinorum nucleis ait.
 Nuclei acinorum astringendi vim obtinet: stomacho vti-
 les sunt: inspargitur farina tostorum potentia in modo dis-
 sentericis, celiacis, & solutis stomacho. Talis itaque
 est vniuersa vinaceorum propria substantia, seu natura
 hosque usus prestare valent, si eorum potentiam per-
 pendas. magis tamen, & minus pro diuersis vuarum disse-
 rentiis, ex quibus fiunt, quas etiam prius narrauimus;
 sed cum non solum vires eorum, quas in potentia pos-
 sident, verum etiam & eas, quae ab eorundem qualita-
 te actu existente proficiuntur, animaduertendae sunt.
 Restat propterea disserendum, quidnam prestare cor-
 poribus nostris valeant per hanc, quam actu obtinent,
 qualitatem: postquam in potentia astringendi, ac ressi-
 gerandi facultatem habent; nec non & prius hoc vnde
 tale susceperint actu ascititium temperamentum. si-
 quidem tangendo eos sentimus, quod licet potestate
 frigidi sint, vt retulimus, actu tamen calidos esse, potis-
 simum vbi recenter fuerint praelo pressi, simulque cum
 musto prius efferbuerint, quae utique huius caliditatis
 causa existat, inuestigare primum oportet; vt exinde pa-
 teat, quot, quique usus ex his hac ratione nostris corpori-
 bus adhibitis prouenire possint. vt verò huius quaesiti
 veritas pateat, altius quodammodo incohanda erit ora-
 tio nostra, sumpto principio ab Aristotele, qui libro
 quinto de gen. animalium concoctionem à calore fieri
 ait, & quarto meteororum, concoctionem perfectione

quandam esse, retulit. quæ à calore proprio, & naturali efficitur. Quamobrem concludit eodem quarto meteororum, fructuū maturationem à naturali etiam calido fieri, quam ~~θεωφραστου~~ appellat, calor enim, ut ait Theophrastus libro 2. de causis plantarū, ubiq; vim obtinet concoquendi. nam, si quæ vsūm frigiditas præstat, per euentum fieri necesse est, ut ipse refert, vel ex accidenti, quemadmodum Aristoteles eodē quarto meteororum sentire videtur. hanc fructuū concoctionē idem Theophrastus libro primo de causis plantarum duplicem esse asseueravit, aliam videlicet pulparum; aliam verò seminum, quarum prima ad hominū vsūm præualet, propter cibum: cum eadem in pulpa fructus fieri soleat. quæ confecta, succum, saporemq; capessere nostræ naturæ congruum necesse est. Quamobrem idem etiam autor libro. vi. eiusdem assererat, quod vix etiam sapor in ipsa etiam carne cōsistit. de qua cōcoctione tanquam nostro instituto necessaria differere intendimus. Nam reliqua, quæ seminum est, cum ad generationem, ut ipse inquit, perpetuitatemq; arborum pertineat, cuius causa fructus, ac semina natura produxit, ad rem nostram haud quaquam conducere videtur. quēadmodū etiā præsentis negotij nequē est indagare, vtra easū pfectior sit, nūc verò satis sit sciuisse cōcoctionē, seu fructuū maturationē, quā nūc intēdim, cum pfectio quēdā eorū sit, ab insito eorū calore pfi, eāq; ad hominū vsūm, propter cibum, ut diximus, præualere. Et quoniam quicquid nutrit, ex genere dulcium est, imò nihil præter dulce nutrire potest, ut liquet per Galenū 4. de simp. med. facul. id verò omne concoctione efficitur. Nam concoctum, ut inquit Aristoteles. 3. de gener. animalium in quouis genere dulcius

tex. 19

citato
loco.
cap. 18.

cap. 12.

ca. x. xv.

cap. 1.

eodem. est coctione namque dulce efficiatur eodem antore cita-
 cap. vi to libro v. de gen. anim. diuini; propterea non abre-
 quirendum est; à quo calore dulce omne efficiatur; ut
 deinceps pateat inter fructus; uis; ac musto à quo ca-
 lore dulcedo proveniat. hoc etenim inuento, tum mu-
 sti, tum etiam & vinaceorum caliditatis causa, quam
 actu possident, facile patebit. Cum vero familiare, am-
 cum, iucundumq; fuerit, ac modicè calidum, id, quod
 continuè ex nostra substantia euacuatur, ac dissipatur
 fitq; nutritio euacuati repletio, quod familiare quoque
 esse necesse sit, id, quod nutrit, nemini dubium est, ac
 etiam modicè calidum, qua ratione à moderato calore
 dulce omne provenire confiteri necessario oportet, id-
 q; bifariam fieri posse, in quocunq; corpore, detre tum
 reliquit Galenus eodem 4. de simpl. med. facul. par-
 tim enim sunt, ut ipse inquit, proprio, & insito calore
 dulcia, partim verò ascititia. proprio quidem calore,
 ut meli ascititia verò, ut sūt omnia, que p. cibo igne pre-
 parantur, ac proinde dum calida sunt, suauiora his,
 quibus nutritione est opus, apparent. quædam autem
 non suo modo proprio, & insito calore dulcia sunt,
 sed acquisitio quoque; quemadmodum in fructibus
 cap. xi. apparet. in his enim ut ait Gal. citato libro 4. de simpl.
 med. facul. Aristotelis, & Theophrasti autoritate mul-
 tum seu ardoris, Greci: *εὐχρηστὰ* vocant, etiam ex so-
 lari calore reliquum est, à quo illud aqueum, ac etiam
 num semicoctum ad concoctionem ducitur, conficitur-
 que, ac transfutanti simile redditur. & propterea tā
 acinis; quā musto multa. inest talis caliditas, ita ut nō
 solum mustum ipsum feruere deprehendas, sed ex-
 quibuscunque pomis, si succum ex primis, eum protin-
 nus non secus, ac mustum feruere videbis. tantq; tamē

feruoris discrimine, quanta erit vnius fructus ab alio in calore diuersitas. à solari deniq; calore prouenit vuis dulcedo, & fructibus omnibus maturatio eodem Gal. teste citato loco: nihil enim fortasse prohibet; quòminus exterio quoque calore fructus coquatur, vt Theophrastus inquit libro 2. inest itaq; ipsi musto omni dulcedo quā diu feruet, ex eo, qui circa semicoctū, aquosūq; excrementū inest solis feruore proueniens, & proinde quodlibet mustū, donec ferueat, actu calidū est, ac dulce sentitur. sed vbi quod iā aquosum, ac semicoctū erat, trāsmutatū fuerit, atq; cōfectū, & is, qui feruore concitabat, calor, euauerit, tunc propriē vinorū naturā, ac quæ propriæ sunt succorum proprietates, sinceræ conspiciuntur: eo etenim tempore, quæ propriē sit vinorum natura, agnoscimus, vt liquet apud eundem Gal. citato loco. ex quibus omnibus liquet, quòd quamdiu feruor, dulcedoque iam dicta, quæ ex ascititio calore in musto prouenit, perdurauerit, tam diu etiā id actu calidum esse. idq; eidem prouenire ab illo acquisitio calore, quem ex sole suscepit: cum verò qui feruorem concitabat calor, euauerit, neque amplius omne multum dulce permanebit, sed ad propriam suam quodlibet redibit naturam, quòd si postquam efferbuerint, in quibusdam dulcedo quædam remaneat, eadem sincera erit, suavis, ac ex propria ipsius succi natura, eiusq; proprio, ac insito calido proficiscēs, non qualis antea erat mista, scilicet proprio, ac insito calore, & ascititio ex solari calore suscepta. nullum tamen eorum hoc tempore actu calidum sentitur; quod etiam rationabiliter de eorum vinaceis asserendum est. etenim acquisiteam, quam habent actu caliditatem à solari calore susceperunt medio musto, seu

cap. eodem.

cap. x.

ad hunc

q. 1.

acinorum humore, ac carnea eorum substantia præcipuè, eaq; tamdiu in eis reperitur, quamdiu ascititius ille calor euanescat, qui licet ascititius sit, moderatus tamen est, vt diximus, & concoctionem, perfectionemq; operatur velut proprius, & insitus. cōficit enim id, quod aqueum, & velut semicodum est in musto excrementum, quo cum participare decretum sit vinaceos ipsos, similiter & talem calorem participabunt, qui licet externus sit, & ascititius, moderatus tamen est, ceu insitus, vt dictum est, ac proprius ipsorum acinorum, postquam idem quoque operatur, dulcedinem inquam, & concoctionem, signum quòd super infusa eis aqua vbi exiguo tempore cum ea macerentur, dulcedinem, ac actu caliditatem retinet, vt in loris in dies obseruamus. deinceps autē temporis progressu vtrumq; euanescit. poterit tamen dulcedinem quandam diu retinere, vbi ex dulcibus naturā vis vinacei fuerint expressi, & modica aqua super infusa, hac itaque ratione vinacei cum primum cum musto efferbuerint, ac prælo ex acinīs fuerint præssi, actu calidi sunt, sed dices, hoc Aristoteli pugnare, quòd videlicet mustum, acini, cæteri q; fructus ab ascititio calore dulcedinem, ac concoctionem nanciscantur. cum ipse velit 4. meteororū, vt dictum est, ab insito calore hoc fieri, ab alieno autē non perfectionem, & concoctionem, sed putredinem, ac corruptionem proficisci. huic responsum dabimus, quòd Aristoteles a naturali calido maturationem fieri fructuum asseruit, intelligens præcipuè, & propriè non negans quòd ab ascititio quoque quodam calore, vt solis, possit etiam simul cum eodem insito calido concoqui, & perfici; quemadmodum Gal. innuere videtur citato libro 4. de simpl. med. facultatibus. vel dicas eam fructuum

textu 6.
& 19.

cap. x.

fructuum cōcoctionem à naturali calido perfici voluisse Aristotelem; quæ præcipue seminum est ad generationem, perpetuitatemq; arborum pertinens, vt prius cum Theophrasto conclusimus. id verò eius verba ostendunt. dicebat etenim eodem 4. meteororum, fructuum tunc perfectam esse maturationem, quādo semen, quod in ipsis est, potest efficere tale alterum, quale ipsum est: quam confiteri à naturali calido perfici, absolum non erit. At qui nos, vt iam dudum diximus, de hac verba non facimus. Rursus, cum dicebat, ab aliena caliditate putrefactionem, ac corruptionem generari, intelligebat de ea extrinseca caliditate, quæ valde immoderata, validiorq; existit, nec minus & humida, asserens eam esse, quæ ambientis. Nos verò non de hoc immoderato valde humidoq; calore externo, & ascititio subintelligimus. scimus etenim rem quamlibet ab hoc corrupti, quemadmodum à proprio, & insito calore in propria seruetur natura, sed solarem calorem simulcum Galeno fuisse sumus, cumq; moderatum in acinorum, reliquorūq; fructuum cōcoctione opitulari, à quo quidem, cum moderatus sit, & vis ac fructibus omnibus maturatio prouenit, & dulcedo, hic nanque generationem, accretionem, concoctionem, & vt summam dicam, perfectionem omnem cunctis rebus afferre solet, haud quaquam ignorantes, quemadmodū hi, qui circa naturam exercitati non sunt, quod caliditas medioeris omnibus sit utilis: immoderata verò non minus frigiditate noxia, eodem Galeno autore citato libro 4. de simpl. med. facultatibus. Sed iterum quæres, propter quid vuarum acini, alijq; fructus, prius quàm in minutas partes redacti sint, aut ab eis succum exprimas, hanc eorum actu caliditatem tactui non præferunt, huic

tex. 19.

tex. vi.

cap. xiiij

responsum sit, quòd cùm crassa sit eorum membrana,
 quæ veluti tegumentum eos circumambit, eam tactu
 sentire caliditatem non valemus. hæc etenim vna ex
 cap.xxi. causis est, vt inquit idem Gal. 3. de simpl. med. facul.
 quòd pleraq; quæ actu sunt calida nos fugiūt, propter
 crassam videlicet eorum essentiam. addit & aliam cau-
 sam, propter quam hoc cōtingat, quòd scilicet ipsi plu-
 rimum habeamus caloris, propter vnā itaque vel al-
 teram dictarum causarum, aut ob ambas, contingit aci-
 nis, aut fructibus haudquaquam in minutas partes re-
 ductis, aut expressis, quem in se continent actu calorē,
 nos fugere. An propterea talem nos calorem nō per-
 cipere inquires, quoniam extrinseca eorū superficies
 ab ambiente extrinsecus ære sit refrigerata? quemad-
 modum de calce refert Gal. citato libro 3. de simpli-
 cap. eo-
 dem. med. facul. Nam si bolum ex ea vnum acceperis, nullū
 ob iam dictam causam, calorem percipies. quippe qui
 refrigeratas tantum eius partes contingas. idq; ante-
 quā in minutas partes reductum sit. si verò accumula-
 te calci manum in profundo inseras, confestim calidā
 senties. quemadmodum etiā accumulato stercore co-
 lumbino, quippe cū refrigeratæ ab ambiente extrin-
 secus ære non sint, nec minus & hoc simile in vis con-
 tingit. Nam si eisdem simul aceruatis ad internas par-
 tes manum inseras, confestim earum caliditatem perci-
 pies. hæc eadem insuper ratio in vinaceis ipsi seruatur,
 quippe cū eorū externa superficies ab ambiēte ære
 sit refrigerata, calorem non præfert. si verò altius ma-
 nus imponas, protinus eorum caliditatem senties. Vel
 dicas, exiguum esse humorem, qui in singulis vuarum
 acinis, ac fructibus continetur, & propterea calorem
 quoque exiguum esse. Quo fit vt commistus etiā cum

seminibus, ac tegumento vix, aut nullo modo sentia-
 tū. Cū verò fuerit expressus, separatus, multusq; ob
 eam rem effectus talis succus, protinus eius calor pere-
 pitur. Permanet igitur ille, seu ardor, ex solari calore
 acquisitus, ac moderatus calor in vinaceis ipsis, quē-
 admodum & in ipsis vuis priusquā fuissent expressæ
 cōtinebatur. eūq; excipiunt exhumore præcipuè, qui
 per acinorum substantiam, quæ veluti caro existit, di-
 spersus est. tamdiuq; eum in eisdem permanere fa-
 temur, donec alter validior, ac immoderatus ex-
 trinsecus calor superuenerit. eundem moderatum ca-
 lorem, ac etiam insitum, quem habent in propria humi-
 ditate existentem, vincens, ac corrumpens, molestus
 siquidem, immūtis, insuauis, ac tactui mordax, quo tē-
 pore cū putrescere caperint vinacei ipsi, ac eorum
 humiditas corrumpi, nec non & acidi fieri, amplius eis
 vtendum esse non censeo, nam cum aliena omninò va-
 lidior, mordax, ac immoderata fuerit hæc eorum calidi-
 tas, vt ad sensum cuiuslibet tangenti patere poterit, non
 minus vt diximus, frigiditate noxia est, quemadmodū
 quo ad eorum caliditas moderata, ac mediocris fue-
 rit, omnibus esse vtilem cum eodem Gal. audacter as-
 firmo. Quamobrem vinaceos recentes, qui mox, cū
 multo efferbuerint, ac prelo pressi sint, valdè viles esse
 asserimus, priusquā tale aliquid perpetiatur, sed mo-
 deratā, seu mediocrem in se ipsis caliditatē obtineant;
 & ij sunt, quibus procurandis nonnullis præter na-
 turam affectibus vtendum esse consulo. quod qui-
 dem ratione, & experientia facillè confirmabimus.
 Nam cū mediocris, seu moderata sit, vt determina-
 nimus, eorum caliditas, non tantum calore exce-
 dunt, vt his lædat, ac molestus sit, aut immodicè calo-

eodem
cap. xiiii

rem nostrum exuperet. calefaciunt tamen moderatè,
 ac mediocriter vinacei ipsi, non tamen adeò vt soluat,
 secèt, distrahantue continuum ac propterea mordaci-
 tatem, doloremq; inferant; sed eorū caliditate fundūt,
 leuigant, ac molliunt. fundunt siquidem quòd in cor-
 poribus nostris constiterat, atque concretū fuerat. quo
 maximè affectu voluptas animantibus cōstat, hactenus
 itaq; nos calefaciunt, vinacei suo mediocri, seu mo-
 derato calore, vt concretas frigore in nobis particulas
 fundant, quemadmodum quælibet similis caliditas effi-
 cere solet Gal. autore 4. de simpl. med. facul. cuius
 quidem proprium est fundere, & liquare. qua ratione
 scirrōsis, ceu iduratis corporis tumoribus magnopere
 conferunt. tales enim affectus, vt inquit Galenus secu-
 do de arte curatiua ad Glauconem; simile quid pati de-
 bent ijs, quæ sub sole funduntur. Qua propter curari
 debent eo medicamento, quod calorem habeat tepi-
 dum; humiditatem verò nec omninò multam, nec om-
 ninò minimam. vocantur autem huiusmodi medica-
 menta mollesciantia, seu mollientia, algentes quoque
 partes propterea moderatè calefaciunt, ita, vt ad refri-
 geratas corporis partes magnopere conducant. Quā-
 obrem non sine ratione putandum est, podagra, & cō-
 xendicum dolore laborantibus, præsertim ex frigidis
 succis, magnopere conducere, etiā si à principio fue-
 rint adhibiti, præcedente tamen totius corporis vacua-
 tione. nam eorum moderato calore, fundendi, molliē-
 di & læuigandi vim habent, vt dictum est, nec non &
 dolorem leniendi, quemadmodum & cætera huiusmo-
 di medicamenta. insuper cūm astringendis vt diximus,
 facultatem obtineant, robur eisdem partibus addunt;
 ita, vt per eos, qui morbum parit humor frigidus, cale-

cap. 2 &

9

cap. de-
scirrōsis.

fiat, fundatur, ac emolliatur cum earundem partium firmitate. Quod si diutius etiam eis vtare, sensim eundem humorem digerere, ac dissoluere valent. nam quatenus etiam vim habent molliendi, ad huc parum dissoluant, quemadmodum & cetera huius generis medicinalia, iuxta Galeni sententiam citato lib. 2. de arte curatiua ad Glauconem, & s. de simpl. med. facultatibus. oedematosos insuper tumores exicant, ac discutunt, vbi eis, præsertim non exiguo tempore, sed diutius quodammodo vtare. nec minus & neruorum partium imbecillitates, ex humiditate, frigiditate, aut ex frigidis, & humidis humoribus ortas tuto curant, obeam, quam habent caliditatem, ac siccandi, & astringendi facultatem. Aqua etiam intercutem laborantibus propterea non parum conducere videntur, præsertim *λευκογλυμματια*, verum admodum expressi, & dulcium vuarum vinacei esse debent. At non propterea quod eorum caliditate vinacei fundant, molliant, læuigent, ac dissoluant, partibus etiam immodico calore affectis, ac propterea imbecillibus existentibus non opitulantur. nam cum modicus sit eorum calor, si quis eis moderate vtatur, æstuantes etiam frigefacient, quemadmodum & balnea. hic etenim est moderati caloris effectus, vt rigentes exalfaciat, æstuantes verò frigefaciat, velut etiam & rosaceum eodem Gal. autore 3. de sim. med. ficul. id verò semper cum partium robore, postquam ab eis vis astringendi, quam habent, separari non potest. admodum tamen præssi vinacei in his affectibus esse non debent, & ex vinosis, aut quibusdam austeris potius, quam ex dulcibus vuis præssi, neque diutius eis vtendum insuper, quamuis partes frigidis humoribus refertas, ac propterea etiam in tumorem adauctas

cap. eodem.

cap. 8.9.

iiii. q. 10

cap. xi.

cū earum robore curare valeant vinacei; non ob id
 extenuatis quoque partibus conducere non videntur;
 ob quamcunque causam fuerint extenuatæ, siue ex im-
 modico calore, siue ex frigore, aut propterea obstructæ
 sint viæ, per quas sanguis, & spiritus ad eas peruenit.
 & ita ob nutrimenti defectum id perpetuantur, possunt
 etenim, vbi, vt decet, eis quispiam vtatur, vtramq; in-
 tēperiem corrigere, eorum moderatō, ac mediocri, vt
 diximus, calore, nec non & obstructionibus liberare.
 Quamobrem non immeritō à Galeno decretum est ci-
 tato libro 4. de simpl. med. facul. caliditatem medio-
 crem omnibus esse vtilem. qua etiam ratione & nos cō-
 cludamus cum eo, vinaceos omnibus esse vtilēs, & præ-
 fertim iam dictis, propter eorum, quam habent, me-
 diocrem, seu moderatam actu caliditatem, ac potesta-
 tem astringendi, quam semper obtinent, si quis eis ri-
 tē vtatur. Porro rectē eis vtare, vbi præter naturam
 affectum, quem curare studes, eiusq; causam, simulq; &
 affectarum partium, ac totius corporis temperamen-
 tum exactē noueris; nam vbi is frigidus fuerit, eiusq;
 causa frigida, vinaceos adhibebis dulcium vuarum, &
 præsertim earum, quas Græcas vulgus appellat, diati-
 usq; ac sæpius eis vtantur. Quod si humidiores fue-
 rint tū affectus, tū causæ, eligendi sunt ex eis vina-
 cei admodū prælo præssi, quemadmodum si hic humor
 concreuerit, frigidus, aut siccior fuerit, ita vt ex eo duri-
 ores tumores fuerint geniti, aut etiā extenuatæ partes
 fuerint ob nutrimenti penuriā, seu ob quācunque aliā
 causā, eosdē vinaceos nō admodū expressos applicabis.
 Sūt verō inter omnes vinaceos hi calidiores, cū nedū
 actū, sed potestate etiam quandam obtineant calidita-
 tem, & quō dulciores vix fuerint, eō, & vinacei quodā-

modo calidiores erunt. Propterea eis præcipuè vtendū. Si verò hos vinaceos habere nequeas, aut nō adeò frigidi affectus fuerint, eos, qui ex vinosis restant vuis eligas, cū suaptè natura quodammodo medium obtineant locum inter calidum, & frigidum, quemadmodum & eorum vix, vt dictum est, eadem seruata ratio, nē circa earum expressionem. ab acidarum autem, acerbiorumq; vuarum vinaceis, quemadmodum & ab earundem vuarum esu, omninò abstinendum esse consulo. cū maiorem habeant vim refrigerandi, & exiccandi, ob eorum propriam naturam, ac substantiam, quàm calfaciendi ob ascititiū, quem obtinent, actu calorem; austerarum tamen vuarum vinaceis; vbi eadem tales non exactè fuerint, sed quandam habeant permixtam dulcedinē, quādoque vtendum ad effectus calidos, aut non adeò frigidos, minusq; frigidiores causas; cū frigide, quoque sint natura partes affectæ. tutius tamen, erit eos prætermittere, & dulciū, seu vinosarū dūtaxat vuarum vinaceis vti. vtrū verò sæpius, aut non; longiori etiam tempore; aut breuiori laborantibus sint adhibendi, ac repetendi, affectus ipsi præternaturā, earūq; cause suadebunt: nec non & ægotantium natura, seu temperamentū. Nunc satis me rationibus, ac autoritatibus demonstrasse puto vinaceorum vsum; ac qua ratione, quibusue causis cunctis à me narratis affectibus præter naturam conferant, modò eorum curationem assequi liceat. & quos, qualesue vinaceos pro eorum sublatione quilibet ipsorum desideret, nec minus & illud ex his, quæ diximus, necessario cōsequitur, quod eò vtiliores, ac potiores sūt vinacei, p. medēdis narratis præter naturam affectibus, naturalibus balneis, ac exudatio-

curandis, uti consueuimus, quò vinaceorum caliditas
suauior, mitior, ac moderatior, quàm earum fuerit, ac
semper cum astringitione coniuncta. qua ratione affectis
quoque partibus robur afferre solent. id, quod in iam
dictis naturalibus balneis, ac exudationibus siccis haud
quaquam perpetuò contingit. Sed iam tempus est
eorum utilitates, quas ratione inueni, experientia cõ-
probare, à me ipso incohans, qui cum graui quo-
dam dolore diu laborarem musculorum circa ischiam,
ac lumborum. qui dolor insuper ab eodem articulo nõ
raro sumebat initium, quandoque etiam in crurũ mu-
sculis, inodo vno, modo alio sentiebatur; interin circa
poplitem, præsertim in musculo sub eius inflexu sub-
strato, aut in tendonibus iuxta rotulam, interdum autẽ
tibiẽ musculi afficiebantur. nonnunquam partes iuxta
talum. inter cæteras autem partes sæpius dolore crucia-
bar eius nerui magni, qui quatuor habens principia ab
ossis sacri vertebreis ad plantã vsque pedis distribuitur.
Quamobrem non nullis adhibitis remedijs, venæ in-
quam sectionibus, purgationibus, fotibus, cataplasma-
tis, vnguentis, emplastris, perfusionibus, denique bal-
neis cum naturalibus cum arte paratis, cum ab eisdem
parum, aut nihil utilitatis percepissem ad vinaceorum
vsum me contulisi, à quibus omninò deo fauente fui li-
beratus, & vxor mea coxendicum dolore diu vexata à
frigidis, crassis, lentisq; succis, nec valdè à cæteris me-
dicamentis adiuta, ex eorundẽ vinaceorum vfu curata
fuit. Excellens Troilus Spes podagra, coxendicumq;
dolore ex eisdem frigidis, crassisq; succis orto magno-
pere, ac diu offensus, ex eorum vfu non paruum perce-
pit utilitatem. quamuis ob vinaceorum inopiam pau-
cis quibusdam diebus eisdem vsus fuerit. illustrissima
quoque

quoque Caterina Sanseuerina nuper eodem coxendi cum dolore affecta ob iam dictos frigidos, crassosq; humores, necnō & crurum, ac tibiæ, ob eandem causā magnam cū contraxisset imbecillitem, ex iam dictis vinaceis maximum commodum, ingentemq; vtilitatē adepta est, & ferè omninō curata: quamuis paucis etiā quibusdam diebus eisdem vsa fuerit, ob eorum etiam inopiam: erant etenim eo tempore omnes ferè vindemiæ absolutæ. Magnificus item artium, & medicinæ doctor Fuluius de Bernardis à dextrâ tibiæ, sinistriq; cruris diuturno dolore ex vinaceorū vsu prorsus liber euasit, quamuis valdè extenuatas easdem etiam partes habuisset. percepi insuper excellenti Hieronymo Albertino Philippi Regis intimo Consiliario dignissimo, vinaceorum vsum mirum in modum contulisse; cū podagra, maximaq; pedum imbecillitate laboraret. & si neque ipse, vt intellexi, nescio qua de causa diutius, neque, vt nos infra docebimus, eisdem fortè vsus fuerit. licet cū me ininterrogasset, non aliter vt eis vteretur, præceperim. Nec desunt & alij nonnulli, qui ex vinaceorum vsu magnam quoque nacti sint vtilitatem pro diuersis enarratis affectibus curandis; quos breuitati indulgens iure prætermitto. illud tamen silentio nō præteream, quòd nuper dum hæc conscriberem, retulit excellens Marius Galeota vir alioqui prudentissimus, omniumq; bonarum artium peritissimus, nec minus veritatis amantissimus, ita vt propterea non parua ei adhibenda sit fides. retulit insuper, quòd cū eius filius

vſu adeò perfectè curata fuit; vt exinde nullū amplius
 neque dolorem, neque laborem; in eisdem partibus
 ſenſerit, inſuper in quadam eius ſubdita contrarios vi-
 naceorū effectus ſe obſeruaffe teſtatus eſt, hæc cū diu-
 turno tempore cū crura, tum tibiaſ maximè extenua-
 tas haberet, motu omninò priuatas, cum pauco admo-
 dum ſenſu viginti ad ſummū diebus vinaceis inſidens,
 ambulare cepit, carneq; impleri ceperunt diſtæ partes
 eo anno: ſequenti autem, cū iterum eis uſa fuiſſet, ſa-
 nitatem omninò adepta eſt, inſtauratis, quæ extenuatæ
 erant, partibus, articulis, ac neruis omnibus roboratis;
 adeò vt motum, ac ſenſum omninò recuperarit: ad hæc
 quendam inſpexit genuum tumore, tibiaſq; exte-
 nuatione ſimul laborantem, qui ex eorūdē vinaceo-
 rum vſu omninò liber euasit. & in ſe ipſo expertus eſt,
 quòd, cū ex præcedēti podagrico dolore pes reliquus
 eſſet admodum imbecillis, tumoreq; affectus, ita vt,
 cū moueretur, non parū doleret, ex vſu vinaccorū,
 tumor, & dolor penitus ceſſarunt; tantumq; robur in-
 de adeptus eſt, vt non modò citra dolorem ambulet;
 ſed robuſtior etiam altero pede euaserit, quinetiam co-
 gnouit à Cefare Scānapeco medico, & philoſopho peri-
 tiſ. magnā attuliſſe vtilitatē vinaceorū vſum Andreæ
 Carlutio laborātī œdemate magno, ac diuturno ī vtra-
 q; tibia. vbi ne minimā quidē ex nōnullis alijs medica-
 mētis adhibitis vtilitatē ſibi comparafſet. Nō ab re ita
 que vir peritiſſime pro medendis omnibus præter natu-
 ram affectibus, quibus laborare percipi iam dictum il-
 luſtriſſimum, ac excellentiſſimum Proregem noſtrum,
 vinaceorum vſum commendauit; iterumq; commendo,
 tanquam ſaluberrimum, valde bonum, citraq; omne pe-
 riculū medicamentū, dūmodo eiſdem, vt decet vtatur.

Ad quem, & si nullus mihi datus sit aditus, vt eidem
 mea opera inferuirem, nihilominus: tanquam diui-
 num quendam hominem existimo, ac colo; ex his, quæ
 in dies, prudentissimis suis operationibus, intelligo, ac
 experientia obseruo. adeò enim vera opinione, ac pru-
 dentia ad rectum dux est, rectèq; præest, ac sapienter
 & iustè omnia gubernat, vt cuncti per publicam ami-
 citiam, iustitiamq; seruentur. Quamobrem nedum
 sanitatem, sed vitæ etiam perennitatem summopere
 ipsi desidero, ac exopto. Rectè denique vinaceis vte-
 tur, si prius, quæ à me de eisdem narrata sunt, obser-
 uentur, ac inter cætera, quòd ex dulcibus viuis fuerint
 expressi, non parùm prælo præssi, vbi prius cum eo-
 rum multo efferbuerint, recentesq; fuerint. ij. etenim
 vinacei sunt, qui eidem domino magis conducere vi-
 dentur, vt ex his, quæ prius disseruimus facillè liquet.
 & quòd dulciores fuerint vix, ex quibus secreti fuerint,
 eò etiam vtiliores erunt, per pensis eiusdem excellen-
 tissimi, domini morbis omnibus, earumq; causis, ac to-
 tius corporis temperamento, & reliquis. Modum ve-
 rò vsus eorum omnibus comunem recensebimus: sub
 quo, & qui proprius & particularis huius illustrissimi,
 ac excellentissimi domini existit, procul dubio contine-
 bitur. Capiendi sunt vinacei modo dicti, aut reliqui,
 quos supra probauimus: similiter recentes, præloq;
 præssi, qui prius cum eorum multo, & non aqua effer-
 buerint, humiq; aut conclauis pauimento acceruandi.
 Nam multi esse debent, ijq; manibus adeò præmen-

serueturq; eorum caliditas, foribus, ac fenestris omnino clausis, potissimum vbi ex aliqua causa aer ambiens frigidior fuerit. Atq; vbi eisdem vti velis, vniuerso prius corpore vacuato, ventreq; à cibis, alijsq; superfluitatibus immuni, ac deiectis alui prius excrementis, exutus vestibus, scrobe quàmprimùm longitudine, latitudine, & profunditate manibus commodè parata, in eos se inserat æger, protinusq; eisdem vinaceis, qui pro scrobe fienda sublatis sunt, contegi debet; eis moderatè manibus compressis, ac leuigatis, & deinde laneo etiam tegumento velentur. vbi verò mediæ, ac superiores corporis partes minimè affectæ sint, satis erit eisdem vinaceis insidere, ac crura, tibias, simulq; pedes affectos in eos inferre, reliquo corpore consuetis pannis cōtecto. At si admodum deliciosus fuerit æger mollisq; carnis, ne in partibus circa sedē labor aliquis, dolor, aut exulceratio ex vinaceis inferatur, lineum linteū duplicatū, triplicatum, aut etiam quatruplicatū substernes, super quod insideat. si verò dorso, ac scāpulis solis laboret, eadem partes vinaceis immergendæ sunt, crura autem & pedes haud quaquam. verū vbi vniuersum corpus fuerit affectum, fouea in vinaceis effodienda erit pro vniuerso corpore congrua, maiorq; copia vinaceorum esse debet, vt eis contegi vndequaque vniuersū corpus valeat, atq; ita in eis, veluti in lecto iacere, puluinari dumtaxat sub capite imposito; laneo etiam tegumento super positos; id, quod semper seruari debet, brachijs autem, & manibus, si quispiam afficiatur, easdē partes vinaceis obruat. hoc modo si quispiā vinaceis vtatur, vtiliores erunt. At vbi admodū deliciofi sint ægotantes, vt pueri, vel mulieres, aut reliqui molles carnes habentes, priusquam vinaceis immergantur, linteo linteo

molli, ac veteri inuoluatur. de superq; vinacei proijci-
antur, manibusq; præmantur, ac leuigentur, & deinde
lânco, vt diximus tegumēto contegantur. Nec minus
quàm per mediæ horæ spatiū in eis quispiā immorari
debet. melius tamen erit, si hora vna permanferit. Nā
cū mediocris, seu moderatus sit vinaceorū calor, exi-
guo tempore, si in eis permanferint, quibusdā parū pro-
ficiunt, longiori autē multū. est tamen eorū vsus om-
nibus semper utilis, vt dictū est, vbi probè eis vtare
sunt demū à vinaceis ægrotantes detegendi, cū con-
gruo tēpore in eis cōmorati sint. & in eodē cōclauī cu-
bili parato, leuiterq; excafacto ab eisdē exurgentes
iacere debent saltim per horā pannis mediocriter con-
tecto, deinde calido etiā linteo lineo detergantur, &
confectis vestibus induantur. At cū primū ex vina-
ceis exurgunt, iterum ijdē aceruari debent, manibusq;
premi, & leuigari, & pānis cōtegi, vt prius, atq; id quo-
que sequenti die, & reliquis seruandū erit, quāuis vbi
robusta fuerint corpora, nedū mane antè cibū, verū
etiam vesperi eisdē vti poterint, maioremq; utilita-
tē afferunt. quemadmodū & ipse vsus fui. illud tamen
animaduertas oportet, quòd singulis tribus, aut ad sū-
mum quatuor diebus ijdē vinacei renouandi sunt. ete-
nim verēdū est, ne post hac putrescere cæperint, eorūq;
mediocris caliditas depēdatur, & altera inmoderata
superueniat, quæ ambientis est, qua ratione nocumētū
magis, quàm iuuamentū corporibus præstent. sed vide

com. 2.

tex. 6.

rem non raro incidere consueueris: fateor propterea; quod cum vinacei eorum moderato calore vim habeant fundendi, leuigandi, ac mollicdi, vt prius demonstraui-
 mus, admodum vtilis esse puto ijs, qui graui renu dolore vexari solent. Nam cum tenuare, ac mollire: præter-
 cætera iubeat Hipp. in renum dolore. 6. de morbis vul-
 garibus; & optima res sit, tenuare videlicet humores,
 & renum corpora mollire, vt per ipsa transire facile hu-
 mores possint; vt inquit Gal. in cōmento. immo si quis
 hæc vtraq; diligenter obseruauerit ab initio, calculus in
 ipsis nunquam generabitur: ob id non parum vinacei
 conducere videntur. siquidem ipsa renu corpora mol-
 lia reddunt; ac humores etiam tenuant, & fundunt eo-
 rum moderato calore: ita; vt facile per eosdem renes
 transire queant; qua insuper ratione & arenulæ facile
 pelluntur. & si qui sunt calculi, eorū etiam calore mol-
 liuntur, franguntur, & demum per vrinam excernuntur;
 roboranturq; ex eis renes, ob eorundem altringendi fa-
 cultatem, quam habent. Nec quispiam dixerit, quod
 propter vinaceorum caliditatem calidiores fiant renes;
 & propterea aptiores ad calculos generandos reddan-
 tur; nam vt prius determinauimus, moderatus, ac me-
 diocris est eorum calor. ex quo renum caliditas, etiam
 si immodica fuerit, moderatior redditur. neque enim
 possent calculos generare, nisi æstuant, & immodicè
 calidi essent renes, vt etiam lippis, & tonsoribus, nedum
 medicis omnibus liquet. Quæ de re non modò calidio-
 res renes non fiunt ex vinaceorum moderato vsu, sed
 præter id, quod dictum est, à lapidis generatione præ-
 seruant, cum eius causam extenuent, ex qua fiunt, & re-
 num caliditas immodica, quæ est eorum causa efficiens,
 per eos obtundatur, & moderatior reddatur. vt itaq;

eis vtaris, consulo, omnibus tamen seruatis, quæ prius narrauimus præsertim vniuerso corpore antea euacuato, vinaceosq; eligas vuarum dulcium, aut etiam vino farum, non tamen multum prælo præssos, neque diutius in eis immoreris, aut multo tempore eisdem vtaris. quæ, si ritè seruabis, non paruam ex eis vtilitatem assequeris. & ne adeò de vinaceis nostra oratio protrahatur, vt & tuas purissimas, ac aliorum aures offendere videar, satis sit hæc currenti calamo scripsisse,

& meam de eis sententiam explicasse:

quam nedum experientia, sed validissimis quoque rationibus comprobasse puto.

F I N I S.

DOMINICVS PIZIMENTIVS VIBONENSIS IN DONATI ANTONIJ ALTIMARI epistolam de vinaceis.

Hûc Iouis imperijs tulerat genus omne malorum
Pandora, excelsa culmine lapsa poli,

Pellit at Altimarus morborum millia, mittens
Pharmaca muneribus nobiliora Iouis.

Quam terris igne abrepto pater altus ademit,
Cernimus hunc dulcem ferre salutis opem.

Per quem nunc primùm meritas vinacea laudes,
Et Bacchus tanti muneris autor, habet.

